



共四十二  
保嬰女撮要八



武  
584  
卷 16

御  
道  
圖  
章

御  
道  
圖  
章

保嬰撮要卷十五 續集

薛氏醫按

吳郡薛 已著

江都吳中珩校

作痛不止

瘡瘍作痛當審邪之所在症之所因如寒熱而痛邪在表也用  
人參敗毒散便秘而痛邪在裏也用內疎黃連湯腫焮而痛血  
凝滯也用仙方活命飲食作而痛者用托裡消毒散排之膿脹  
而痛者針之膿潰而痛者補之氣虛而痛則用四君歸芪血虛  
而痛則用四物參芪大抵形傷痛氣傷腫不知此數者徒以乳  
香沒藥為止痛之方則非所以為法矣仍審五臟相勝相兼之  
症而治之後倣此

一小兒腿癰潰而作痛服敗毒之藥腫勢益甚更嘔腹痛余謂

薛氏醫按

保嬰撮要卷十五

薛氏醫按

膿出而反痛攻毒而反嘔其屬胃氣虛弱明矣急宜補之或謂痛無補法仍用前藥諸症蜂起余用六君乾薑木香胃氣漸復再用益氣湯托裡散而愈東垣丹溪云膿出而反痛此為虛也宜補之穢氣所觸和解之風冷所逼者溫養之信矣

一小兒臂瘡潰而作痛脈洪數而有力緣乳母食厚味胃經積熱所致母服清胃散子服瀉黃散痛止又母子服加味逍遙散而愈

一小兒項患瘡焮腫作痛左頰色赤此膽經熱毒母用仙方活命飲末一服痛止再服而潰又用加味小柴胡湯加味逍遙散母子俱服而斂

一小兒左脇腫痛赤色而硬此稟膽經熱毒所致也子服活命飲母服加味小柴胡湯而軟又子服三味解毒散母服加味逍遙散而潰復惡寒不食腹脹吐酸此脾氣弱而飲食停滯也用六君子湯脾氣漸健用托裡散肌肉漸生又嘔吐寒熱面色青白此脾氣虛而肝邪所侮也用異功散加柴胡升麻而安又用異功散加當歸黃芪而愈

一小兒臂患瘡赤腫作痛服大黃藥敷鐵種散腫痛頓消余曰此脾氣虛瘡內陷不知痛耳非毒退而內消也遂朝用益氣湯夕用異功散各數劑色微赤微腫又用葱熨法及托裡散而瘡消設或再用前藥則患處得寒而愈滯胃氣得寒而不生多致不起矣

一小兒臂瘡潰而作痛瘡口色白面赤飲湯此稟腎膀胱陰虛也朝用八珍湯夕用加減八味丸諸症漸退面色頓白此熱退而真虛之色見也用托裡散異功散而愈

一 小兒胸患瘡作痛發熱大小便秘此邪在裡也先用大連翹  
飲一服熱痛頓止更以五味異功散加升麻白芷而愈  
一 小兒面患瘡焮痛發熱惡寒此邪在表也先用荆防敗毒散  
解其表邪次用七味白朮散固其胃氣而愈  
一 小兒背患瘡焮腫大痛發熱飲冷服敗毒之藥其痛益甚此  
膀胱經熱毒熾盛也用活命飲加麻黃羌活一劑諸症頓退乃  
去麻黃羌活又二劑而膿潰再用清熱消毒飲而瘡痊次年腹  
患癰焮腫作痛大便不通其熱雖劇悉屬形病俱實用活命飲  
加硝黃一劑大便即通腫痛頓止又用清熱消毒散而痊  
一 小兒腿癰潰而膿清脉弱面色痿黃自汗有痰余謂當補脾  
肺彼以為緩遂降火敗毒嘔吐喘嗽余曰脾肺氣絕也不信後  
果歿

一 小兒臂癰潰而面黃痰喘余謂稟脾腎氣虛不信乃服四物  
黃栢知母而歿余治此症用地黃丸補中湯滋其化源多有生  
者若用四物黃栢之類益傷脾肺乃速其危也  
神効解毒散治一切瘡瘍作痛不止凡初起腫者服之即消已  
潰仍腫者服之即退已潰不解者服之即愈嬰兒母亦服自  
製

金銀花 一錢

甘草節 五分

黃芪 炒

皂角刺 炒

當歸 各三錢

乳香

沒藥 各二錢

右為末每服三錢酒煎為末溫酒調服亦可如瘡已潰腫痛  
已止者去乳沒金銀花倍加黃芪

黃連解毒湯治瘡瘍煩燥飲冷脉洪數或發狂言

黃芩

黃栢

黃連 俱炒

山梔 各一錢

五分

右每用一二錢水煎熱服

內疎黃連湯治瘡瘍發熱而嘔大便秘結脉洪而實

黃連炒

芍藥炒

當歸各二錢

檳榔

木香各五分

黃芩炒

梔子炒

薄荷

桔梗炒

甘草

連翹

大黃炒各二錢

每服一二錢薑水煎

乳香定痛散治瘡瘍潰爛疼痛

乳香各五錢

沒藥各五錢

滑石

寒水石煨各一兩

水片一錢

右為細末乾敷患處

小柴胡湯

加山梔牡丹皮即治肝膽經部分瘡瘍作痛或身熱

惡寒頸項強直胸脇作痛方見脇癰

三味解毒湯

方見出血不止

加減八味丸

方見作渴不止

五味異功散

方見敗毒之藥

清胃散

四物湯

四君子湯三方見腹癰

大連翹飲方見臂癰

荆防敗毒散

即人參敗毒散加荆芥防風

葱熨法方見流注

清熱消毒散

方見熱毒口瘡

仙方活命飲

托裡消毒散

托裡散三方見熱毒瘡瘍

薛氏膏

采真本草卷一五

四

七味白木散

八珍湯

加味逍遙散

三方見發熱不止

瀉黃散 方見頭面瘡

作嘔不止

丹溪先生云腫瘍時嘔當作毒氣攻心治之潰瘍時嘔當作陰虛補之此論其常耳竊謂前症如腫赤焮痛而嘔者熱毒甚也用仙方活命飲作膿而嘔者血氣虛也用五味異功散膿脹而嘔者血氣虛也用六君子加歸芪便秘而嘔者熱在臟也用內疎黃連湯寒藥服多而嘔者胃氣傷也用托裡健中湯食少胃寒而嘔者托裡益中湯中虛寒注而嘔者托裡溫中湯肝氣乘脾而嘔者托裡抑青湯胃虛停痰而嘔者托裡清中湯胃虛自

病而嘔者托裡益黃湯鬱結傷脾而嘔者托裡越鞠湯徐院令云治癰疽不可一日無托裡藥確哉是言也蓋毒氣者熱有餘也陰虛者脾不足也皆因脾氣虛弱以致之但宜調補中氣則正氣復而邪氣自去矣嬰童當兼治其母

一小兒臂患瘡服消毒之劑作嘔少食腫硬不消面色痿黃此脾胃氣虛而藥復傷也用六君子木香乾羌更增腹痛此虛甚也以前藥入附子一片諸症頓退後飲食停滯作嘔不食先用保和丸一服次用異功散而愈

一小兒腿癰膿清作嘔瘡口不斂肝腎二脉洪數此因稟腎水不足而肝火為患用六味地黃丸以補腎九味蘆薈丸以清肝而愈

一小兒手患瘡作嘔流涎面色痿黃余謂脾氣虛寒遂用六君

乾菴木香而嘔止又用補中益氣湯而涎止不數劑而瘡愈

一小兒瘡痛作嘔手足並冷此因痛而胃氣復傷也用六君乾

菴藿香痛嘔頓止又用異功散加升麻柴胡而瘡亦消

一小兒面患瘡作嘔手足並冷面赤作痛此胃經熱毒所致先

用仙方活命飲而痛止又用清熱消毒散而瘡愈

一小兒腹患瘡作嘔便秘發熱飲冷畜熱也用內疎黃連湯而

便通嘔止又用清熱消毒散而瘡內消

一小兒腿患瘡用護心散嘔吐不食手足並冷余曰此非毒氣

內攻乃胃虛耳宜用異功散補之彼反見疑仍索前藥余以異

功散為末作護心散與服嘔止食進又用托裡散膿潰而愈後

語其故猶不信其效至此也

一小兒臂患瘡服護心散嘔吐腹脹余曰此脾胃復傷耳不信

仍復攻毒益加泄瀉余先用托裡溫中湯一劑次用六君菴桂

又用五味異功散而愈

一小兒項患瘡作嘔面黃發熱飲湯余謂胃氣虛熱不信反清

熱敗毒更加吐瀉而歿

一小兒面患瘡作嘔發熱作渴飲湯余謂胃氣虛而作嘔不能

化生津液而作渴不信另用雜藥攻毒致吐瀉吃逆而歿

托裡益黃湯治瘡瘍因脾胃虛弱寒水反侮土飲食少思嘔吐

泄瀉等症自製

人參 白朮炒各七分 陳皮 茯苓 半夏

炮薑 丁香 炙甘草各二分 右薑水煎服

托裡越鞠湯治乳母鬱怒肝脾內熱致兒患瘡瘍母子泣服自製

人參五分 白朮錢一 陳皮四分 川芎

半夏

山梔炒

蒼朮各三分

炙甘草二分

右薑棗水煎嬰兒乳母並服

托裡健中湯治瘡瘍陽氣虛寒腸鳴切痛大便溏泄嘔逆昏憤此寒變而內陷也急用此藥緩則不救潰瘍誤服寒劑多患之自製

羌活三分

木香

附子炮

益智

丁香

沉香各三分

茴香五分

陳皮

炙甘草五分

右薑水煎徐徐服之

托裡清中湯治瘡瘍脾胃虛弱痰氣不清飲食少思等症自製

人參

白朮炒

陳皮

茯苓各五分

半夏三分

桔梗二分 甘草炒

柴胡各二分

右薑棗水煎服

托裡益中湯治瘡瘍元氣虛弱或因涼藥所傷飲食少思嘔吐

泄瀉等症自製

人參

白朮

茯苓各一錢

半夏

炮薑各四分

甘草炒

肉桂

黃芪炒各一錢五分

右每服三五錢羌棗水煎

托裡益中湯治瘡瘍中氣虛弱飲食少思或潰而不斂或腫而不消自製

人參

白朮炒

陳皮炒

茯苓

半夏

炮薑各五分

木香

甘草炒各三分

右薑棗水煎

托裡益青湯治瘡瘍脾土虛弱肝木所侮以致飲食少思或胸膈不利自製



人參

白木

炒各五分

陳皮

炒

茯苓

半夏

各三分

芍藥

炒一分

柴胡

二分

右羌棗水煎服

保和丸

六味丸

二方見發熱不止

九味蘆薈丸

方見腮癰

六君子湯

方見腋癰

補中益氣湯

方見肌肉不生

五味異功散

方見用敗毒之藥

清熱消毒散

方見熱毒口瘡

仙方活命飲

托裡消毒散

三方見熱毒瘡瘍

內疎黃連湯

方見作痛不止

出血不止三

瘡口出血有因五臟相勝陰陽不調而血不止者有因乳母六淫七情之氣不平而血妄行者若因肝火內動用四物山梔牡丹皮肝經血虛用六味地黃丸心虛不能統血用四物參朮丹皮酸棗仁脾虛不能統血用四君山梔牡丹皮脾氣鬱滯用歸脾湯脾肺氣虛用補中益氣湯氣血俱虛用十全大補湯腎陰不足而肝火內動用六味地黃丸柴胡梔子散加五味子大凡失血過多而見煩熱發渴等症勿論其脈不問其症急用獨參湯以補其氣經云血生於氣苟非參芪歸朮甘溫之藥決不能愈若發熱脈大者多不治

一小兒十一歲眉間一核似赤小豎許出血如注發熱倦怠食

薛氏醫按

保嬰撮要卷十五

八

目錄

少體倦此肝經血熱脾經氣虛也用柴芍參苓散九味蘆薈丸而痊

一小兒流注出血吃逆腹痛手足並冷用六君子及獨參湯而益甚此陽氣虛寒之甚藥力未能驟及也遂連服數劑諸症漸退用月許將愈因飲食失宜寒熱發揚血出此脾氣虛肝火所乘也用異功散加升麻柴胡而安又用八珍四君而愈後因勞心發熱頭痛另服清熱之劑汗出口噤良久方省服大補湯數劑而安又用八珍湯而愈

一女子臂患瘡出血余謂血虛用聖愈湯而愈後因怒復作如前先用聖愈湯又用加味道遙散將愈因惑於人言別服降火之劑吐瀉腹痛余用異功散聖愈湯而愈

一小兒頭瘡出血睡中發搐審其母素有鬱怒發熱用加味道遙散加味歸脾湯母服之而子自愈

一小兒頭面生瘡出血右頰赤色口乾飲冷此胃經有熱先用清胃散漸愈又用加味解毒散而愈

一小兒臂瘡出血脉浮大按之無力右寸關爲甚此脾肺氣虛不能攝血歸源先用補中益氣湯而血止又用托裡散而瘡愈

一小兒頭面生瘡出血作痛發熱飲冷此胃經熱甚而血妄行也先用仙方活命飲諸症頓愈又用清熱消毒散茶口漸斂

一女子十四歲患癩瘰不時出血面青善怒余謂肝膽經氣虛而血不能歸經也欲滋腎水以生肝木不信反清熱敗毒血不止而歿

一小兒患骨疽內潰膿出甚多後瘡口出血惡寒體倦脉之如無余謂陽隨陰散而氣脫用獨參湯補之不信而歿

東垣聖愈湯治諸瘡膿血出多心煩不安不得眠睡

熟地黃 生地黃各二分 當歸 川芎三分 黃芪炒五分

人參三分 右水煎服

歸脾湯治瘡瘍脾氣虛不能攝血歸經而瘡口出血或乳母脾

經鬱熱致兒患瘡發熱出血或瘡口不斂者方見脇癰

獨參湯治瘡瘍潰後氣血俱虛瘡口出血或發熱惡寒作渴煩

躁宜用此藥以補氣則血自生而歸經此陽生陰長之理用

人參一兩薑十片棗十枚水煎服

三味解毒散治瘡瘍熱毒出血或裏熱毒金石毒者尤宜用之

製自 金銀花一兩 甘草五錢 牛黃一錢量

右為末每服五分白湯調下

四物湯方見脫癰

柴芍參蘇飲方見熱毒癰瘰

柴胡梔子散方見脇癰即梔子清肝散

六味地黃丸方見作渴不止

加味逍遙散

當歸補血湯二方見發熱不止

補中益氣湯方見肌肉不生

十全大補湯方見便癰

九味蘆薈丸方見喉痺

四君子湯

清胃散

六君子湯三方見腹癰

薛氏醫案 傷暑損要卷十五

異功散 方見用 敗毒之藥

托裡散

仙方活命飲 二方見熱毒瘡瘍

清熱消毒散 方見熱毒口瘡

肌肉不生 四

肌肉乃脾胃所生收斂皆氣血所主二者相濟以成者也若肌肉不生而色赤者血熱也用四物山梔牡丹皮瞀熱內熱者血虛也用四君歸地牡丹皮膿水清稀者氣血俱虛也用十全大補湯食少體倦者脾氣虛也用補中益氣湯煩熱作渴起居如常者胃熱也用竹葉黃芪湯煩熱作渴小便頻數者腎虛也用六味地黃丸肉腐而不潰者用烏金膏若肉潰而不斂者用六君子湯穢臭脉洪大而作渴乃真氣虛而邪氣實也此為難治

大凡瘡瘍久而不愈者皆元氣不足或因邪氣凝滯於患處苟能調補脾胃則元氣自足元氣既足則邪氣自消死肉自潰新肉自生而瘡自斂矣使不保其本而槩敷生肌之劑是反助其邪後更潰爛耳

一小兒臂癱久不斂日瞀倦怠敷追蝕之藥腐壞而不斂余謂因脾氣虛而不能生長肌肉朝用益氣湯夕用異功散月餘面痊

一小兒腿癱色赤久不生肌日瞀發熱此脾經血虛也用四君歸芍柴胡牡丹皮熱漸止而肌漸生後因停食吐瀉瘡色變此脾氣虛弱用益氣湯異功散而痊

一小兒臀瘡久不生肌余曰臀屬膀胱乃氣血難到之所此稟腎虛而患者當調補脾氣滋養陰血遂用五味異功散地黃丸

薛氏醫案

保嬰撮要卷十五

七

瘡癤

而痊

一小兒腎癰潰而不斂發熱作渴小便頻數仍欲降火余謂此稟腎經陰虛而火動耳用補中益氣湯加減八味丸而愈畢姻後腎復患癰欲速効服敗毒散潰而發熱脈洪數而無力腎部為甚仍用益氣湯八味丸為主佐以八珍湯異功散而愈

一小兒腿瘡久不生肌腫痛色赤此脾胃虛而濕熱也用益氣湯加黃栢防已漸愈又用四君柴胡升麻而痊

一小兒腎瘡腐而作痛不止肌肉不生口乾作渴右關脈洪數此胃經火盛之惡症先用竹葉黃芪湯二劑而痛止又以四君加升麻白芷而愈

一小兒腎間腫硬色不變面目皎白余謂稟腎不足反行敗毒日出清膿而歿

一小兒頸間腫硬余謂肝腎不足不信乃用雜藥後腫間胸脇膝骨皆腫各用火針出水瘡口開張而歿

補中益氣湯治小兒稟賦不足榮衛之氣短促寒薄腠理閉鬱而為瘡瘍或因瘡瘍服剋伐之劑氣血虧損而不能消散或已潰氣血虧損而不能生肌或惡寒發熱煩躁倦怠飲食心思等症

人參

黃芪炒

白朮炒

甘草炒

當歸

陳皮各五分

柴胡

升麻各三分

右薑棗水煎服

神効烏金膏治瘡瘍肉死不腐塗之即腐未死塗之即生若初起腫痛搽點數處其毒頓消若患頑瘡元氣無虧久不收斂內有毒根者以紙捲蘸之即斂其方用巴豆仁一味炒黑研如膏點於患處臨用脩合庶不乾耳此法雖不出于方書

薛大醫按

此方最長

方書

余製而用之良有奇驗故並籍焉

五味異功散 方見用敗毒之藥

四君子湯 方見腹癰

加減八味丸 即六味丸加五味子四錢肉桂一錢

四物湯 方見腹癰

十全大補湯 方見便癰

竹葉黃芪湯

六味地黃丸 二方見作渴不止

保和丸 方見發熱不止

發熱不止 五

瘡瘍發熱初患乃毒氣所熾已成乃內熾作膿已潰乃血氣虧損不可槩行敗毒以傷元氣蓋未成者當分邪之在表在裡將

成者當分邪之可攻可補已成者當分膿之作與未作膿已成者當分膿之淺深高漫膿已潰者當分痛之止與不止若作痛而發熱者用仙方活命飲作膿而發熱者用托裡消毒散膿脹而發熱者用加味托裡散膿出而發熱者用八珍黃芪午前發熱者陽氣虛也用補中益氣湯午後發熱者陰血虛也用四物加參芪自晡惡寒發熱者陽氣下陷於陰分也用補中益氣湯發熱作渴小便頻數者腎氣虛弱也加減八味丸膿血多而熱者陽無所附也十全大補湯日將晡而熱者氣血虛也八珍湯若無寐而熱者內補黃芪湯煩躁者血脫也當歸補血湯自汗而熱者胃氣虛也四君子湯惡寒發熱者肺氣虛也補中益氣湯或四君黃芪當歸主之亦有五臟相勝夾食夾驚或乳母六淫七情所致者不能備述治者臨症詳之

一 小兒腿癰發熱腫痛肉色不赤此形氣虛而病氣實也先用活命飲二劑隨用益氣湯二劑外用葱熨法而愈

一 小兒十五歲眉患癰傳服皆敗毒之藥腹痛腫硬此脾胃復傷而然也朝用異功散夕用大補湯兩月餘而愈

一 小兒十一歲腿內側患癰漫腫堅硬肉色不變自汗盜汗此稟肝脾虛羸也用大補湯異功散元氣漸復膿潰針之仍服前藥而愈

一 小兒腿內股患瘡發熱不愈診乳母肝脾血虛有熱用異功散加柴胡升麻及加味逍遙散與乳母服兒日服數匙兩月餘而愈

一 小兒臂癰腫痛色白余用托裡之劑不從反內外用敗毒之劑發熱不食手足並冷仍欲敗毒余曰此脾胃復傷而變症耳

若再行攻毒則胃氣益損五臟皆虛諸症蜂起矣乃用益氣湯佐以異功散而漸安

一 小兒潰後發熱飲乳不歇面目或赤此胃氣虛熱津液不足而作渴也用白朮散末以乳調服而愈後發熱作嘔吐酸腹脹此乳食停滯先用保和丸異功散各末一服又用托裡散八珍湯而瘡斂

一 小兒潰後發熱懶食日晡益甚此脾氣虛弱也先用四君升麻歸芪飲食漸進次用八珍牡丹皮發熱漸止後用托裡散而瘡

一 小兒腹癰潰後發熱作渴手足並冷余謂脾胃陽虛用六君薑桂治之不信反清熱敗毒果吃逆腹痛而歿

一 小兒臂癰潰而發熱面色青白服敗毒藥益甚余謂脾氣虛

寒而隔陽於外非熱也用人參理中湯不信後吐瀉手足並冷而歿

加味托裡消毒散治潰瘍餘毒發熱作痛

人參 黃芪炒 當歸酒拌各一錢 川芎 芍藥

白芷 茯苓各五分 金銀花 甘草 連翹

乳香各三分 沒藥各三分 右作三劑水煎服

八珍湯治潰瘍氣血俱虛者用此方主之若因脾氣虛弱而不

能生血者宜用異功散

當歸一錢 川芎五分 芍藥炒七分 熟地黃酒拌

人參 白朮 茯苓各一錢 甘草炙五分

右方每服三五錢薑棗水煎

加味逍遙散治因乳母肝脾血虛發熱致兒患瘡或兒肝脾有

熱致瘡不愈

當歸 甘草炙 芍藥酒拌 茯苓 白朮炒各一錢

柴胡 牡丹皮 山梔炒各七分

右作四劑水煎服若乳母肝脾血虛內熱或寒熱遍身搔痒

等症尤宜用之

七味白朮散治胃氣虛弱或因尅伐或因吐瀉口乾作渴飲食

少思作渴飲冷者去木香

藿香 白朮 木香 白茯苓 甘草炒

人參 乾葛各等分 右每二錢水煎服

保和丸治飲食停滯發熱者不可多服

神麩炒 山楂 半夏 茯苓 陳皮各兩

連翹 蘿蔔子各五錢



右為末糊丸小桐子大每服二三十丸白湯送下化服亦可  
加白木名 大安丸

當歸補血湯治瘡瘍血氣虧損或妄服峻劑致血氣俱虛肌熱  
大渴喜飲目赤面紅晝夜不息其脈洪大而虛重按全無其  
症似宜服白虎湯但脈不長實為可驗耳若服白虎湯必死

黃芪兩 當歸二錢 右水煎徐徐服

內補黃芪湯治潰瘍膿水出多或過服敗毒之劑致氣虛血弱  
發熱無寐或兼盜汗內熱或不生肌自製

黃芪二錢 人參 白木炒 茯苓 陳皮  
當歸各一錢半 酸棗仁炒一錢 五味一柸 甘草炒各五分

右水煎徐徐服

十全大補湯方見便癰

葱熨法方見流注

補中益氣湯方見肌肉不生

四君子湯

六君子湯二方見腹癰

仙方活命飲

五味異功散

托裡散

托裡消毒散四方見熱毒瘡瘍

加減八味丸方見作渴不止

大便不通六

瘡瘍大便不通初起則審所致之因所見之症而行內疎外表  
之法已潰則分血氣虛實傳變之症而用托裡滋補之法不可

通用苦寒疎導之劑恐復傷真氣則腫者不能消散成膿潰者不能生肌收斂故丹溪先生云腫瘍內外皆壅宜托裡表散為主潰瘍內外皆虛宜托裡補接為主治者審之

一小兒胸患癰腫痛熱渴大便不通脈沉數而有力此形病俱實而邪在內也用涼膈散大便隨通而痛頓減又用活命飲燉腫隨散瘡頭出膿又用托裡消毒散而愈

一小兒腹癰腫痛大便不通脈洪數而有力兩寸關為甚此表裡俱有邪也用大連翹飲去大黃一劑大便頓通再用活命飲一劑諸症頓退又用清熱消毒散而消

一小兒臂癰腫痛大便乾澀用瀉黃散但面色痿黃此脾經氣血虛也先用補中益氣湯加熟地黃兩月餘大便漸利惡寒發熱此邪氣去而真氣虛也用托裡散八珍湯而痊

一小兒腎癰潰而作渴煩熱大便不通脈洪大而虛用當歸補血湯及四物加黃芪各二劑而便通又用八珍湯托裡散而瘡斂

一女子患流注大便不通乾澀色赤或黃頭暈惡寒此脾腎氣虛而血弱也用補中益氣湯加桃仁杏仁麻子仁而大便潤去三仁加蔓荊子而頭運愈又用托裡散而瘡痊

一女子患癰瘰便結面赤口乾瞋熱此肝腎陰虛而內熱也先用加減八味丸八珍湯兩月餘大便漸通又用加味逍遙散佐以五味異功散而大便通用丸味蘆薈丸而瘡愈

一小兒十五歲癰瘰二年矣余謂稟腎肝陰虛燥熱用地黃丸之類而愈後大便結燥用通幽湯為主佐以八珍湯之類兩月餘而漸愈彼欲速効另服碑記黑丸子通而不止虛症並臻余

仍用前法半載而愈

一小兒流注愈而大便秘結發熱作渴兩頤赤色余謂腎肝陰虛用地黃丸通幽湯而愈次年畢姻後大便仍秘用潤腸丸余曰東垣云少陰不得大便以辛潤之以苦泄之不信仍用前藥後果歿

一小兒腹癰潰而大便澁滯面赤作渴余謂腎開竅於二陰乃稟腎陰不足不信反用疎導之藥泄瀉不止而歿

一小兒臂癰潰而大便不利或利而後重或虛坐努力余謂脾氣虧損用補中益氣湯不悟仍用下利之藥吃逆腹痛而歿涼膈散治實熱大便不通或咽腫作痛口舌生瘡或便溺赤澁發熱譫語睡臥不安安

大黃

補硝

甘草

連翹

山梔

黃芩

薄荷葉

各等分

右為末每服少許蜜湯調服

大連翹飲

方見臂癰

清熱消毒飲

方見熱毒口瘡

加味逍遙散

當歸補血湯

二方見發熱不止

補中益氣湯

方見肌肉不生

活命飲

托裡散

二方見熱毒瘡瘍

九味蘆薈丸

方見喉痺

大便不止

七

瘡瘍泄瀉不止或因膿血出多脾氣有傷或命門火衰不能生土或脾氣虛寒不能司攝或稟腎虛不能禁固或乳母脾胃虧

瘡瘍泄瀉

保嬰撮要卷十五

七

損元氣下陷致兒為患若瀉而煩熱無寐脾氣虛也用東垣聖愈湯瀉而口乾飲湯胃氣虛也用錢氏白朮散瀉而煩渴飲水胃經有熱也用東垣瀉黃散瀉而色黃飲食不化或腹中作痛脾氣虛弱也用六君加木香瀉而色黃小腹重墜或大便去而不了脾氣下陷也用補中益氣湯瀉而色青飲食少思腹中作痛肝木侮土也用六君木香升麻柴胡東垣先生云診右關脉弦風邪傷脾也用芍藥甘草湯之類右關脉洪熱邪傷脾也用三黃丸之類右關脉緩本經濕邪傷脾也用平胃散之類右關脉濇燥邪傷脾也用異功散加當歸或四君子湯加熟地黃之類右關脉沉細寒邪傷脾也用益黃散理中丸之類寒甚加附子大凡飲沸湯而不知熱者陽氣虛寒之症也急用四君桂附飲水水而不知寒者陽氣亢熱之症也急用清涼飲之類又法

以手足並冷者為虛寒用五味異功散加薑桂不應急加附子手足不熱者為虛熱用五味異功散七味白朮散手足並熱者為實熱用瀉黃散多有更生者

一小兒臂癱久潰飲食後即泄瀉小腹重墜面色或痿黃或皎白兩寸脉短不及本位按之若無此脾氣虛寒下陷不能升化而然用八味丸補命門火佐以益氣湯以培胃氣月餘漸愈更佐以二神丸兩月餘而瘡愈

一小兒腿癱潰後泄瀉飲食少思手足並冷多在侵晨夜間此變脾腎虛寒也用四神丸六君薑桂漸愈以益氣湯間服而愈一小兒便癱久不愈泄瀉面黃手足時冷小腹重墜此脾氣虛弱下陷之惡症也朝用益氣湯內人參五錢白朮二錢夕用異功散內人參三錢白朮二錢更以人參一兩煎湯代茶兩月餘

而愈至十七歲畢姻後患便癱泄瀉手足並冷幾危余謂命門火衰用八味丸益氣湯而愈

一小兒流注潰後作瀉飲食難化余謂脾氣虛弱用六君子湯而愈後因停食泄瀉手足並冷用六君薑桂不應用人參一兩附子一錢數劑諸症始退却用獨參湯月許而愈

一小兒瘰癧泄瀉面青腹脹審乳母乳頭乳房作痛蓋乳房屬胃經乳頭屬肝經乃肝木勝脾土而然耳兒病正屬是經乃母子同病也朝用益氣湯夕用六君升麻柴胡為主佐以四味肥兒丸母子同服並愈

一小兒瘰癧泄瀉服分利之劑小便不利面黃少食余謂因脾肺氣虛不能分布諸臟朝用益氣湯夕用異功散諸症悉愈  
一小兒瘰癧作瀉面青腹脹此脾虛而肝侮也用異功散為王

以四味肥兒丸為佐諸症漸愈却用肥兒丸為主異功散為佐而愈

一小兒腎癱久不愈大便泄瀉小便不調發熱作渴余謂腎開竅於二陰故二便不調此稟腎氣虛熱而然也用地黃丸益氣湯之類諸症漸退肌肉漸生瘡口自愈

一小兒瘰癧兼瀉形氣皆立此肝脾疴症用異功散三劑却用蚬蟞丸一服月餘而愈

一小兒十五歲已近女色患此服十宣散久不愈余謂當大補元氣不信致惡寒發熱或作渴唾痰或頭目眩暈或手足發熱去後大小便牽痛形體骨立余謂此精血未滿而虧損所致用補中益氣湯加減八味丸日以人參二兩煎湯代茶三月餘而愈

薛氏醫抄 傷寒要略卷十五  
一小兒十五歲腿癱將愈而作瀉余用補中益氣湯及六君子湯而愈後因功課勞神飲食失節或時復瀉余謂胃氣未復仍用前藥不信另服消導之藥泄瀉不止而歿夫胃氣和平飲食入胃精氣則輸於脾土歸於肺行于百脉而成榮衛若飲公一傷起居不時損其胃氣則上升精華之氣反下降而殮泄非升陽補氣決不能愈

八味地黃丸治諸瘡因命門火衰不能生脾土致血氣虛弱不能生肌而瘡口不合或變諸敗症又諸瘡愈後小便頻數大便作泄飲食不入作渴發熱肌肉不生之聖藥但世人未經試驗而不信用惜哉

熟地黃 用生地黃酒浸透砂器內九蒸九晒仍晒乾八兩 山茱萸 酒拌取肉  
山藥 各四兩 牡丹皮 白茯苓 澤瀉 各三兩

炮附子 一兩 肉桂 用厚者括云外皮淨一兩

右以地黃酒拌濕杵膏各味為末和勻再入酒糊丸少許量大小白湯送下

四神丸治瘡瘍脾虛胃弱大便不實飲食少思或泄瀉腹痛又治腎虛五更初瀉

肉荳蔻 二兩 補骨脂 四兩 五味 十二兩 吳茱萸 一兩  
右為細末用紅棗六十五枚生薑六兩水二鍾煮乾取棗肉丸桐子大每服二三十丸白湯送下或化服

二神丸治瘡瘍因脾腎陰虛泄瀉  
補骨脂 四兩 肉荳蔻 二兩  
右為末用紅棗四十九枚生薑四兩水一鍾煮乾取棗肉丸桐子大每服二三十丸白滾湯下

補中益氣湯 方見肌肉不生

五味異功散 方見用敗毒之藥

六味地黃丸 方見作渴不止

六君子湯 方見腹癰

獨參湯 方見出血不止

四味肥兒丸 方見貼骨癰

蚶蟞湯 方見諸疳口瘡  
即蟬蛻丸

小便不通 八

瘡瘍小便不通者其因不一當分經絡虛實而藥之若心小腸熱而不通者用黃連導赤散心經氣虛用養心湯肝經實熱用龍膽瀉肝湯肝經虛熱用地黃丸脾經實熱用瀉黃散脾經虛熱用四君子湯肺經實熱用黃芩清肺飲肺經虛弱用補中益

氣湯腎經燥熱用滋腎丸腎經虛熱用地黃丸設若瀆而惡寒發熱氣血虛也用八珍湯手足並冷陽氣虛寒也用四君子湯加乾薑升麻手足不冷乃脾氣虛弱也用四君柴胡升麻半夏寒熱往來氣血虛也用十全大補湯大便了而不了脾氣虛而下陷也用補中益氣湯切不可輕用疎導之劑復傷元氣致腫者不能起發腐潰潰者不能生肌收斂須臨症制宜而治庶無悞矣

一小兒頭患瘡小便不利胸滿少食此脾肺氣虛也先用益氣湯飲食頓進又用八珍湯加五味子小便頓利末用托裡散而

瘡

一小兒患腹癰小便不利大便乾實此形病俱實先用八正散一劑二便隨通又用加味清胃散二劑再用仙方活命飲一劑

而痊

一小兒兩脇胸間或兩腿內側患瘡瘍小便不利或作或輟診乳母肝脾脈洪數母服加味逍遙散子服梔子仁散加柴胡而痊

一小兒臂瘡服敗毒之藥小便不利腹脹作嘔此胃氣復傷陽氣虛弱而然耳先用六君薑桂一劑嘔脹頓止再用異功散小便如常後用托裡散而瘡愈

一小兒患流注小便不利面白口乾手足時冷悉因脾肺氣虛之所致也用益氣湯加山藥五味子諸症漸愈又用托裡散而瘡愈

一女子臂瘡飲食少思小便不利余謂脾肺氣虛不能化生先用四君黃芪當歸小便尋利又用五味異功散托裡散而瘡愈

一小兒患便癰候服敗毒之劑虧損元氣不能成膿余用托裡之藥潰之而愈後小便不利面色痿黃四肢時冷余謂脾肺氣虛不能下輸膀胱用補中益氣湯不信另服滲利之藥嘔吐腹痛手足並冷余先用四君薑桂再用補中益氣湯之類元氣漸復小便漸利

一小兒患腹癰潰而膿清不斂面色青黃余謂肝木侮脾土用六君柴胡升麻及補中益氣湯之類而愈後小便頻數而少服本通車前之類乃純陰淡滲之味善傷陽氣經曰無陽則陰無以生無陰則陽無以化非純陽補氣之藥不救不信後果歿一小兒腹癰潰而膿水清稀煩燥時嗽小便如淋仍欲分利余曰此脾肺氣虛之惡症分利導損真陰之所致也急補脾肺脾肺氣旺則小便自調諸症自愈奈何不悟余言仍服前藥以致



不起惜哉

梔子仁散治小便不通或兼見血或臍腹脹悶煩躁不安

梔子仁炒五分 茅根 冬葵子各三分 甘草二分

右水煎或為末服亦可

八正散治瘡瘍內蘊熱毒大小便不利

大黃炒三分 山梔炒 篇蓄 車前子炒二分 滑石

瞿麥 木通各二分 右水煎服

海金沙散治下焦濕熱不施化而小便不利

海金沙 鬱金 滑石 甘草各等分

右各為末每服四五分白湯調下

清心蓮子飲治發熱口乾小便不利或兼白濁夜則安靜晝則發熱

黃芩炒 麥門冬 地骨皮 車前子炒

甘草各三分 石蓮肉搗碎 茯苓 黃芪炒

柴胡 人參各二分 右每服二錢水煎

黃芩清肺散治肺燥而小便不調

黃芩炒一錢 山梔一箇 右水煎服

滋腎丸治腎熱而小便不調

黃柏酒拌炒 知母炒三分 肉桂三錢

右為末水糊丸麻子大每服三五丸白湯下水調服亦可

導赤散 方見臂癰

內疎黃蓮湯 方見作痛不止

八珍湯 方見發熱不止

補中益氣湯 方見肌肉不生

活命飲

托裡散 二方見熱毒瘡瘍

六君子湯 方見腹癰

小便不止 九

瘡瘍小便不止有膀胱氣虛而不能禁止者有膀胱虛熱而自遺者有肺經傳熱遺於膀胱而然者有肺虛不能生腎而然者有稟腎虛早近女色而然者治法膀胱氣虛用六味丸六一散膀胱有熱用六味丸滋腎丸肺經遺熱用清肺散六味丸肺氣虛用益氣湯六味丸早近女色而小便不止或大小便牽痛者乃腎肝虧損所致作渴飲冷屬虛熱用六味丸補中益氣湯作渴飲熱屬虛寒用八味丸補中湯精血篇云男子精未滿而御女色以通其精五臟有不滿之處異日有難狀之疾老人陰以

瘦而思色以降其精而精不出而內敗小便澀痛如淋愈痛則愈便愈便則愈痛若不條分縷析而泛投雜藥則悞矣

一 小兒項腋結核潰而體瘦發熱小便不止此稟肝膽之經血氣虛熱而然也先用加味道遙散五味異功散為主以地黃丸為佐月餘以地黃丸為主五味異功散加當歸柴胡為佐諸症漸愈又以四味肥兒丸間服而愈

一 小兒陰囊時腫余謂胎稟肝火不信後患便癰潰後小便淋瀝或時澄白此肝火為患潰久肝氣虛弱而小便如斯也蓋虛則補其母腎為肝之母用地黃丸滋腎水以補肝漸愈因功課勞心兼怒不時寒熱小便如淋用加味道遙散而寒熱止却用地黃丸為主佐以四味肥兒丸而愈

一 小兒流注久潰面白時咳膿水清稀小便短少或如淋不止

余謂脾肺氣虛不能生肝腎而然用補中益氣湯六味地黃丸  
為主佐以托裡散而漸愈又間用豆豉餅而斂

一小兒鶴膝風久潰小便頻數後淋瀝不止面色黑或皎白飲  
食少思四肢倦怠此腎之脾胃虛也朝用補中益氣湯夕用五  
味異功散飲食漸加肢體漸健却用地黃丸而愈

一小兒早近女色患脇癰潰而小便如淋服分利之劑更加腹  
脹小便不止莖中作痛大便自遺余謂稟腎陰虛也當急補脾  
肺以滋化源不信仍服分利之藥而歿

黃芩清肺飲

滋腎丸 二方見小便不止

加味逍遙散 方見發熱不止

四味肥兒丸 方見疳骨癯

豆豉餅 方見流注

八味丸 方見大便不止

五味異功散 方見用敗毒之藥

作渴不止

瘡瘍作渴當分經絡所屬及血氣虛實而治若燥痛發熱便利  
調和者邪在腑也用清熱消毒散腫痛發熱大便秘澀者邪在  
臟也先用瀉黃散如未應用涼膈散燥痛熾盛邪在經絡也用  
仙方活命飲右關脈洪數有力者胃火消燬津液也用竹葉石  
膏湯右關脈數無力者胃虛津液短少也用補中益氣湯飲食  
失度胃氣內傷而亡津液者用錢氏白朮散膿血出多而氣血  
虛弱者用八珍湯加五味子稟腎不足而津液短少者用加減  
八味丸其餘當臨症制宜

一小兒右頰患瘡作渴飲冷目黃唇烈此脾胃實熱也用瀉黃散而愈後傷食作渴遍身皆黃少用瀉黃散黃退而渴益甚此熱退而真氣虛也用白朮散而痊

一女子臂癱口乾飲湯小便頻數此脾肺氣虛用四君黃芪乾薑及益氣湯而愈

一小兒腹癰潰後作渴飲湯此脾胃氣虛用六君黃芪當歸而渴止用異功散而瘡斂

一女子面瘡作渴飲湯面赤此脾氣虛熱也先用異功散又用益氣湯而愈

一小兒素食膏粱口舌生瘡作渴飲冷手足常熱此胃經積熱先用竹葉白膏湯二劑又用竹葉黃芪湯二劑漸愈再用白朮散去木香而愈又一小兒所患同前先用清肺散再用涼膈散

而愈

一小兒患瘰癧面赤作渴余謂肝腎虛熱用加減八味丸補中

益氣湯六味地黃丸月餘諸症頓愈佐以九味蘆薈丸而愈

一小兒口乾作渴發冷泄瀉諸藥不効皆謂不起右關脈弦數

按之沉伏尋揣腹中隱伏一塊鷄卵大此肝脾疳也用蟾蜍丸

三月而消兼服地黃丸三月諸症漸退却以白朮散為主四味

肥兒丸為佐而痊

一小兒腎疽將愈而作渴小便頻數面色常赤脈洪數按之無

力尺脈為甚余謂稟父腎虛不信乃降火生津更作嘔腹瀉而

歿

一小兒十五歲面患瘡兩足發熱作渴余謂腎經虛熱逐服雜

藥小便如淋而歿

竹葉石膏湯治胃經氣虛內熱患瘡作渴

竹葉 石膏煨各二錢 甘草 人參各二錢 麥門冬五錢

右每服二錢薑水煎嬰兒母同服

竹葉黃芪湯治脾胃經熱毒瘡瘍作渴神效

淡竹葉 黃芩炒 麥門冬 當歸 川芎

甘草 黃芪 芍藥 人參 半夏

石膏煨各一錢 生地黄二錢 右每服二錢水煎

黃芪六一湯治瘡瘍氣虛作渴愈後復渴尤宜服之

黃芪炙六錢 甘草炙一錢 右水煎服

六味地黃丸加肉桂一兩五味子四兩

熟地黃八兩 山茱萸肉 乾山藥各四兩 澤瀉

牡丹皮 白茯苓各三兩

右為末入地黃膏量加米糊丸桐子大每服數丸溫水空心送下行遲鶴膝加鹿茸牛膝五加皮若因腎肝血虛發熱作渴小便淋秘痰氣土壅或風客淫氣癰癥結核或四肢發搐眼目瞶動或咳嗽吐血頭目眩暈或咽喉燥痛口舌破裂或自汗盜汗便血諸血或稟腎氣不足肢體形弱筋攣骨腫或解顛失音畏明下窻或早近女色精血虧耗五臟齊損之症並宜服之

瀉黃散治脾胃經實熱患瘡口渴飲冷

藿香葉七葉 石膏煨五錢 甘草 防風 山梔仁炒各一兩

右為末每服二錢水煎人蜜少許嬰兒乳母服之

東垣聖愈湯方見出血不止

五味異功散方見用敗毒之藥

補中益氣湯 方見肌肉不生

七味白朮散 方見發熱不止

清熱消毒散 方見熱毒口瘡

仙方活命飲 方見熱毒瘡瘍

清胃散 方見腹癰

敷寒涼藥 十一

瘡瘍敷藥當分陰陽虛實而用內治之法不可槩敷寒涼之藥若腫痛熱渴脈滑數而有力者其症為純陽宜服濟陰湯外敷抑陽散則熱毒自消瘀滯自散若似腫非腫似痛非痛似赤非赤似潰非潰脈洪數而無力者其症屬半陰半陽宜內服沖和散外敷陰陽散則榮逆自從血鬱自散若微腫微痛色黯堅硬肉色如故久而不潰脈按之沉細舉指虛浮者其症屬純陰宜

內服回陽湯外敷抑陰散則寒氣自解陽氣自復凡陽氣虛寒不能消散腐潰或潰而腫不消口不斂者必內外溫補庶可保全若陰寒之症而用寒涼之藥則勝理迷寒氣血凝滯毒氣益深良肉反死瘡口不斂惡症蜂起不可復救矣蓋胃氣得寒則不能運行瘀血得寒則不能消散死肉得寒則不能腐潰新肉得寒則不能化生治者不可不察也

一 小兒面瘡敷寒涼之藥患處堅實頭面俱腫此脾胃受寒血氣凝滯而不能行耳先用沖和湯陰陽散患處和軟次用托裡消毒散堅腫頓消又用托裡散瘡潰而愈

一 小兒腹癰敷寒涼之藥腹脹吃逆手足並冷此脾胃復傷而虛寒也用回陽湯抑陰散諸症漸退用托裡散而潰八珍湯而愈

一小兒潰瘍敷寒涼之藥肌肉不生膿水不止余謂脾氣虧損而然用異功散加升麻白芷漸愈又用托裡散而痊

一小兒臂癱敷服皆寒涼之藥更加腫硬余謂當助脾胃以解凝寒乃用益氣湯加茯苓半夏薄桂及如聖餅熨之而愈大凡瘡瘍久而不愈不問已潰未潰皆因陽氣虛不能運行耳用如聖餅或葱熨法為善

一小兒兩足脛內外赤腫焮連膝上因痘愈之後或謂痘毒欲用寒劑或謂丹毒欲砭出血余曰非也此是三陽經熱毒壅腫耳况痘愈之後元氣未復設若砭劑出血則患處愈傷敷貼涼藥則榮氣愈滯服敗之藥則元氣愈虛瘀血愈凝不信竟用前法果兩脛潰而色黧瘡口不斂大便去後如痢欲用治痢之藥余曰此因誤用前法元氣復傷而下陷也非痢非毒遂用補中

益氣湯之類而愈

一小兒大腿漫腫不赤服敗毒之藥手足並冷吐瀉不食余曰元氣虛而半陰半陽之症也用陰陽散中和湯腫起色赤此變純陽之吉症也仍用前藥佐以活命飲而消

一小兒臂癱而色痿黃飲食少思脈洪數按之軟弱余謂真氣虛而邪氣凝滯也用白芷升麻湯以清胃經熱毒用五味異功散以補胃經元氣不信反用寒涼之劑外敷內服腫硬至手肉色如故腹中作痛脈浮大按之沉細此脾胃之氣復傷而變虛寒之症也當祛散寒邪溫補脾氣仍不信又與敗毒吃逆不食手足並冷此寒氣逼陽於外無根之火泛行耳果死手足俱青患處皆黑

一小兒足脛腫硬一塊年餘而潰時出清膿其腫益堅肉色青

黯發熱煩躁余謂真氣虛而邪氣實當先調脾胃或以為熱毒  
凝滯敷寒涼之藥腫硬至膝肉潰腹脹吐瀉而死  
托裡冲和湯治瘡瘍屬半陰半陽似潰非潰似腫非一腫因元  
氣虛弱失于補托所致自製

人參 二錢 黃芪 三錢 白朮 炒 陳皮

當歸 各一錢 甘草 炒 五分

右水煎徐徐服手足冷者加薑桂其熱已退而未消潰用仙  
方活命飲可內消者再用托裡消毒散可作膿者再用托裡  
散

陰陽散和膏治瘡瘍元氣虛弱似腫非腫似痛不痛似熱不熱  
屬半陰半陽之症用此以和陰陽內服冲和湯或托裡散以  
助元氣

紫荆皮 炒 五兩 獨活 炒 三兩 赤芍藥 炒 白芷 石菖蒲 各二兩

右為末用葱酒調服

托裡回陽湯治瘡瘍屬純陰不腫痛不焮赤不腐潰或腹痛泄  
瀉嘔吐逆冷陽氣既陷急用之多有生者自製

乾薑 附子 重一兩 四錢者 當歸 陳皮 白朮

黃芪 人參 甘草 炒 各二錢 柴胡 升麻 各三錢

右水煎徐徐服之如不應倍加薑附外敷抑陰散一方名回陽上龍膏  
抑陰散治瘡瘍元氣虛寒不能消散或腹痛泄瀉嘔吐不食  
或冷或不潰斂筋攣骨痛屬純陰之症以此助陽行陰內  
服回陽湯以回陽氣

草烏 炒 二兩 南星 白芷 各一兩 肉桂 五錢 赤芍藥 炒 一兩

右各為末葱湯調塗熱酒亦可



解毒濟陰湯治瘡疽骨腫作痛屬純陽者用以此解毒其熱未  
退用仙方活命飲自製

連翹

山梔炒

黃芩炒

黃連炒各一錢

赤芍藥

一錢五分

金銀花

三錢

甘草

一兩

右每服二三錢水煎大便秘結者量加炒大黃外傳抑陽散

抑陽散即洪寶丹治瘡瘍屬純陽者

天花粉

三兩

薑黃

白芷

赤芍藥

各一兩

右為末茶湯擦調患處

五味異功散

方見敗毒之藥

仙方活命飲

托裡消毒散

托裡散二方見熱毒瘡瘍

補中益氣湯

方見肌肉不生

八珍湯方見發熱不止

如聖餅

葱熨法三方見流注

服敗毒藥

十二

小兒瘡瘍多由胎稟遺熱或乳哺積熱或乳母七情致熱經云  
五臟不和九竅不通六腑不和留結為癰又云氣主噓之血主  
濡之治者當察其經絡所因表裡虛實而調和以固其本假如  
腫痛熱渴大便秘結者邪在內也宜疎通之腫焮作痛寒熱頭  
疼者邪在表也宜發散之焮腫痛甚者邪在經絡也宜和解之  
漫腫微痛而不潰者血氣虛弱也宜補托之色黯微痛而不潰  
或潰而不斂者陽氣虛寒也宜溫補之如是則五臟自和六腑

自調氣血自生瘡毒自解此即敗毒之法也若槩用寒涼之劑復損脾胃則腫者不能消散潰者不能收斂斂惡蜂起多致不救矣

一小兒臂癰腫硬色白寒熱倦怠此因血氣虛耳先用五味異功散加木香乾薑諸症漸減去二味又佐以托裡散如聖餅膿潰而愈

一小兒臂癰服敗毒藥腫硬不消汗出不止此脾肺氣虛也用異功散加五味子而汗止佐以葱熨法而膿成用托裡散而瘡愈

一小兒腿癰膿水清稀手足時冷余謂脾胃虛寒先用益氣湯加乾薑而手足溫用異功散葱熨法而膿稠用八珍湯附子餅而瘡愈

一小兒面生瘡寒熱頭痛服大黃等藥連瀉數度手足並冷瘡黯吃逆余曰此邪在表誤攻其裡下多而亡陰也後果歿

一小兒腿癰服麻黃等藥汗出喘急手足並冷余謂此陰虛誤汗而亡陽也後果歿

五味異功散治稟賦元氣虛弱肌肉消薄榮衛短促而患瘡瘍不能消散或脾肺氣虛不能生肌收口大凡諸症因脾氣虛而不能愈者皆宜服之調補元氣則自愈矣

人參

茯苓

白朮

甘草

陳皮

各等分

右為末每服二三錢薑棗水煎

托裡散

方見熱毒瘡瘍

葱熨法

如聖餅

二方見流注

保嬰最要卷十五

保嬰最要卷十五

三

五

八珍湯

方見發熱不止

十全大補湯

方見便癰

補中益氣湯

方見肌肉不生

附子餅

方見貼骨癰

用刀針法

十三

小兒瘡瘍用針法比之大人尤宜慎重當審經絡表裡之虛實部分肌肉之厚薄而施之夫腫高而軟者發于血脈也腫硬而堅者發于肌肉也肉色不變者發于骨也瘡未成者解散以消其毒已成者托裡以速其膿膿已成者當驗其生熟淺深而後針之以指輕按便痛者膿淺也重按方痛者膿深也按之不起者膿未成也按之即起者膿已成也若膿初生而即針則泄其氣血而膿反難成若膿已熟而不針則腐潰益深而不能收斂

若瘡深而針淺則內潰不出外血反傷若瘡淺而針深則其膿雖出良肉亦傷蓋瘡瘍之症氣血已傷肌肉已壞當隨決其毒不可拘泥人神部分其膿一出諸症自退若膿出反痛或煩躁嘔逆者皆由胃氣虧損急宜托裡調裡凡膿已成者宜急刺去以紙蘸蘸由絛瘡內以膏藥貼之兒安不必服藥如瘡反覆未痊多是乳母食厚味或七情火動而然當審所因而調治其母但藥中加漏蘆令母服之乳中藥過兒瘡自愈

一小兒患瘡腫硬或用針出血寒熱嘔吐乃胃氣虛而復傷也用異功散而嘔止用八珍湯而血止用托裡散而瘡愈

一小兒項間患毒膿成未潰欲急刺之不從至脹痛始針出膿用托裡散而安若及時用針不用藥亦可也

一小兒項間患毒膿內潰腸痛此脾肺氣虛而不能外潰也用

大補湯四劑針之清膿滴瀝發熱惡寒用獨參湯四劑膿湧泄  
乃用大補湯托裡散而愈東垣先生云氣血壯實膿自湧出信  
矣

一小兒臂癰用針過深出血不止惡寒口噤脉微細尚可救乃  
用獨參湯灌之良久嚔下半胸而甦再劑而能言四劑而膿出  
又用托裡散異功散而愈

一小兒項瘡膿成不出兩腮皆白余曰此肝膽經之症腮白乃  
肺經之色金能尅木當急用針并補脾氣不信竟歿

五味異功散 方見用敗毒之藥

八珍湯 方見發熱不止

托裡散 方見熱毒瘡瘍

十全大補湯 方見便癰

### 五善七惡 十四

瘡瘍之症齊氏陳氏有五善七惡之論又云五善見三則瘡七  
惡見四則危竊謂前症各有所屬之經各有所主之方蓋五善  
屬六腑氣血無虧人能調攝不治自愈七惡乃五藏虧損失於  
滋補所致非瘡瘍自有也謂治失宜必致不起如動息自寧飲  
食知味乃胃氣平和一善也便利調勻乃腸胃調和二善也膿  
潰腫消水鮮不臭乃邪氣去而胃氣平復三善也神彩精明語  
言清亮乃心肺氣血無虧四善也體氣平和脾胃無虧五善也  
作湯發熱或泄瀉淋閉者屢胃火內淫一惡也竹葉黃芪湯氣  
血俱虛八珍加黃芪麥門冬山茱萸未應佐以加減八味丸料  
潰而腫痛尤甚膿色臭敗者屬胃虛火熾二惡也人參黃芪湯  
未應十全大補湯加麥門冬五味子目視不正黑睛翳小白睛

青赤瞳子上視者屬肝腎虛火三惡也六味丸料加山梔麥門  
冬五味子未應八珍湯加山梔麥門五味喘氣短恍惚嗜臥  
者屬脾肺虛火四惡也六君子加薑棗未應用補中益氣湯加  
麥門五味若心火刑肺人參平肺散陰火傷肺六味丸料加五  
味子煎服潰後肩背不便四肢沉重者屬脾胃虧損五惡也補  
中益氣湯加山茱萸山藥五味子如不應用十全大補湯加山  
茱萸山藥五味子食不下咽服藥而嘔食不加味者屬胃氣虛  
弱六惡也六君子湯加木香砂仁未應加附子聲嘶色敗唇鼻  
青赤面目浮腫者脾肺俱虛七惡也補中益氣湯加薑棗未應  
加附子若腹痛泄瀉咳逆昏憤者陽氣虛寒之惡症也用托裡  
溫中湯次以六君子湯加附子薑桂若潰後發熱惡寒作渴怔  
忡驚悸寤寐不寧牙關緊急或頭痛目赤自汗盜汗寒戰咬牙

手撒身熱脉洪大按之微細厚衣仍寒此氣血虛極傳變之惡  
症也若手足逆冷肚腹疼痛泄瀉腸鳴飲食不入吃逆嘔吐者  
此陽氣虛寒之惡症也若無汗惡寒口噤足冷腰背反脹頸項  
強直此血氣虛極傳變之惡症也急用參芪歸朮附子救之夫  
小兒患之因胃氣虛弱或膿血出多虛邪內作或乳母失調血  
氣不和致兒爲患能審其所致之因而主之亦有復生者若更  
與攻毒乃促其亡也

一 小兒臂瘡肉腐色紫焮痛作渴右關脉洪數此胃火熾盛之  
惡症用竹葉黃芪湯而痛止用四君升麻連翹白芷金銀花而  
愈

一 小兒流注吐瀉吃逆腹痛手足並冷余謂陽氣虛寒之惡症  
用六君子獨參湯益甚遂以人參五錢附子五分連服數劑諸

症漸退復用獨參湯月許稍愈後飲食失宜寒熱發搐用五味異功散加升麻柴胡而安又因勞發熱脉大而虛面赤作渴用當歸補血湯十全大補湯而安用八珍湯附子餅而愈

一小兒腹癰潰而腫痛益甚飲食少思此脾胃復傷之惡症先用五味異功散加木香諸症漸愈乃用異功散加當歸黃芪元氣漸復又用八珍湯托裡散而愈次年畢姻後寒熱往來患處作痒用大補湯地黃丸而愈

一小兒脇腫一塊數寒涼之藥益加腫硬腹中陰冷余謂肌肉受寒而患處腫硬脾氣受寒而腹中陰冷當急溫補脾氣不信仍服前藥加腹痛泄瀉手足並冷余曰變陽氣虛寒之惡症用五味異功散加薑桂二劑諸症漸愈乃去二味服之外用葱熨之法患處微腫色赤此陰氣散而陽氣至遂朝用補中益氣湯

用異功散而消

一女子股間結一核不作痛不變色服散堅之劑患處腫硬更頭暈吐痰其脉弦數而無力心脾俱虛不信仍用攻伐果吐瀉腹痛發搐吃逆余謂變脾土虛寒之惡症也先用五味異功散加乾薑肉桂脾氣稍復乃用異功散入珍湯而愈

一小兒腿癰潰後作渴飲湯瀉利無度此脾胃氣虛之惡症也用益氣湯八珍湯而愈後功課用心口乾作渴小便頻數用益氣湯加五味及黃芪六一湯各五十餘劑而痊

一小兒腿癰內潰泄瀉自汗腹痛氣喘余謂脾胃俱虛之惡症用獨參湯喘汗漸止用大補湯諸症悉退後傷食吐瀉用五味異功散加乾薑而愈次年畢姻後患腹癰膿清不斂朝寒暮熱用益氣湯八珍湯各百餘劑而愈

一 小兒患瘰癧服追毒之藥更惡寒發熱手足並冷右寸脈浮按之而虛用益氣湯百餘劑而稍愈彼欲速効另服石膏之類吐瀉昏憤脈浮大按之微細乃變寒氣虛寒之惡症也用人參二兩附子一錢二劑而甦數劑而安更以五味異功散月餘而愈

一 女子十五歲瘰癧發熱晡熱左頰赤甚余謂肝火血虛用加味逍遙散五味異功散九味蘆薈丸而痊後服班貓等藥惡症蜂起手足並冷用參附湯二劑六君薑附四劑乃朝用益氣湯夕用異功散而愈

一 女子患瘰癧腫痛發熱脈洪大而虛此血虛之惡症也用當歸補血湯煩熱悉止用補中益氣湯佐以加味逍遙散及葱熨法而痊

一 女子脇間患癰色白漫腫寒熱不潰余謂稟肝脾虛羸之惡症用補托之藥而愈後因經事過期誤服行血之劑發熱煩躁先用當歸補血湯次用逍遙散八珍湯而愈

一 小兒十五歲脇癰膿清晡熱盜汗遺精此元氣虛甚之惡症也用大補湯地黃丸料元氣漸復因犯色慾患處色黯昏憤吃逆手足並冷用獨參湯四劑而甦用大補湯加乾薑六劑陽氣漸復乃去薑又二十餘劑而痊

一 小兒十四歲面目多白足跟腫硬寸許肉色如常遇勞腫硬宛若一栗口乾面赤余謂稟足三陰經虛症不信外敷內服皆敗毒之劑翻如熟榴煩躁時嗽腹痛渴瀉小便如淋余曰此脾肺氣虛之惡症也不信仍服敗毒更黑睛緊小白睛青赤瞳子上看此肝腎虧損之惡症併矣余欲救其胃氣以滋五臟又為

薛氏醫案 呆嬰最要卷十五 五

人所阻用千金消毒散更加喘短氣恍惚余曰惡症並臻其何能為或問惡症既甚無乃攻毒之晚耶余曰邪正不並立一勝一負理之自然胃氣虛則邪氣實也其失在於不頂補正氣邪氣勝則惡症集耳東垣先生云但見腫痛叅之脉症虛弱便與滋補氣血無虧可保終吉信斯言也

一小兒腎間腫硬肉色如故小便短赤而頻服分利之劑膝脛骨腫余曰腎主骨此稟腎虛所致前藥導損腎陰而骨腫耳當調補脾肺以生腎水其骨自消不信仍用前藥而歿

一小兒腹癰久不斂余欲滋其化源反清熱敗毒惡症蜂起而歿大肺者腎之母脾者肺之母前症既不滋腎以生肝木又用寒涼之藥復傷胃氣以絕肺腎之化源不死鮮矣

一小兒貼骨癰作瀉余欲施調補不信反服分利兩手撮空肝

氣敗也泄瀉無度腎氣敗也痰涎上壅脾氣敗也喘嗽不止肺氣敗也額間汗出心氣敗也辭不治果歿

一小兒腿癰腫痛自汗盜汗體倦食少余用托裡之藥而膿成欲針之或用大黃之類令膿從大便出致大瀉腹痛余謂脾胃虛脫之惡症急服大補之劑不信又服前藥而死

一女子十五歲外股腫硬連及內股肉色不變右關脉緩弱按之弦數此脾虛而肝乘之氣血虛而色不變也當補脾土為主不信另用流氣飲冰黃散泄瀉腹痛瘡口開張而歿參附湯

人參一兩

附子製二錢

右薑棗水煎不拘時服

餘方見各症



三春受美局

長年

印